

JAKMAS Kolej Excellent UMS anjur bengkel penulisan berita

NSR 20.12.2017 5

KOTA KINABALU: Jawatankuasa Kebajikan Mahasiswa (JAKMAS) Kolej Kediaman Excellent (E) Universiti Malaysia Sabah (UMS) melalui Exco Media dan Publisiti mengadakan Bengkel Penulisan Berita di Bilik Taklimat dan Tayangan Pusat Pengurusan Strategik dan Komunikasi Korporat baru-baru ini.

Pengarah bengkel tersebut, Nur Huda Izzati Izal berkata, penganjurannya antara lain bertujuan untuk memberi pendedahan berkaitan etika kewar-tawanan dan teknik penulisan akhbar dalam kalangan pemimpin pelajar khususnya pelajar Kolej Kediaman E.

“Selain itu, bengkel ini sekali gus bagi mengeratkan hubungan silatur-rahim dalam kalangan pemimpin pe-la-


jar khususnya pelajar Kolej Kediaman E,” katanya.

Beliau berkata demikian ketika ditemui pada bengkel tersebut.

Menurut Nur Huda, bengkel tersebut menyaksikan penyertaan seramai 20 pelajar yang terdiri daripada barisan wakil Pemimpin Kolej Kediaman E, Majlis Ketua-ketua Sekretariat, Majlis Ketua-ketua Blok, dan Majlis Ketua-ketua Kelab.

“Bengkel sehari itu disampaikan Penolong Pegawai Penerangan Pusat Pengurusan Strategik dan Komunikasi Korporat UMS, Salbinous Saribun,” tambahnya.

Hadir sama, Timbalan Pengetua Kolej Kediaman E, Mohd Hilmey Salli.



SALBINOUS (duduk tiga dari kanan) dan Mohd Hilmey (duduk, tiga dari kiri) bergambar bersama peserta bengkel.